

**Ammasumik ataatsimiinnermi oqaluuserisassat:**

**Imm. 01 Oqaluuserisassat akuersissutigineri**

**02. Allaffeqarfimmiit oqaasiinnartigut paasissutissiissutit**

**Imm. 2.1 Allaffeqarfimmiit oqaasiinnartigut paasissutissiissutit**

**03. Aningaasaqarnermut tunngasut**

**Imm. 3.1 Ulloq unnuarlu paaqqinniffiit atuiffiinit missingersuutinik nuussisoqarnissaanik qinnuteqaat, Maniitsoq**

**Imm. 3.2 Atugarissaarnermut immikkoortortami missingersuutitigut nuutsinissamut qinnuteqaat, Sisimiut.**

**Punkt 3.3 Sisimiuni Maniitsumilu innuttaasunut ulloq unnuarlu angerlarsimaffimmi ikiorteqarfimmut ilassutit aningaasaliissuteqaqqinnissamut qinnuteqaat.**

**04. Suliassat naliginnaasut**

**Imm. 4.1 Meeqqanik inuusuttunillu inissiisarnerup pinaveersaartinneqarnissaannut, inississimasullu angerlartinnissaanut periusissiaq**

**Imm. 4.2 Atugarissaarnermut Ataatsimiititaliap 2023-mi ataatsimiiffissaannut siunnersuutit.**

**Imm. 4.3 2023-mi Atugarissaarnermut Ataatsimiititaliap suliffeqarfimmut pulaarnissamut siunnersuut**

**Imm. 4.4 Maniitsumi Ilaqtariinnut Inerisaavik Meeqqat Illuatut atorsinnaanissaanut allannqortiterineq.**

**05. Sulisoqarnermut tunngasut**

**Soqannqilaq.**

**06. Paasissutissiissutit**

**Soqannqilaq.**

**08. Tamalaat**

**Imm. 8.1 Tamalaat**

Ataatsimiinneq aallartippoq nal. 13:15

*Peqataasut:*

***Inuit Ataqtiguit***

Juliane Enoksen, Sisimiut, oqarasuaatikkut peqataavoq peqataalerpoq  
Agathe Fontain, Sisimiut

***Siumut***

Kirstine Olsen, Siulittaasup tullia, Sisimiut  
Barnabas Larsen, Kangaamiut

***Naleraq***

Paneeraq Olsen, Sisimiut

*Nalunaaruteqarlutik peqataannngitsut:*

*Nalunaaruteqaratik peqataannngitsut*

**Imm. 01 Oqaluuserisassat akuersissutigineri**

**Aalajangiineq**

Akuersissutigineqarpoq. Siulittaasoq isumaqatigalugu siulittaasup tulliaata ataatsimiineq aquppaa.  
Agathe Fontain Tamalaani apequtissaqarpoq.

Barnabas Larsen oqaluuserisassat tamakkiisumik atuarsimanngilai Firstagenda ajoqattaarsimammat.

## **02. Allaffeqarfimmiit oqaasiinnartigut paasissutissiissutit**

### **Imm. 2.1 Allaffeqarfimmiit oqaasiinnartigut paasissutissiissutit**

Qulequttat allassimasut pisortaanerup ilisimatitsissutigivai.

Taakkua saniatigut Paneeraq Olsen-ip apequtigivaa Kalaallit Nunanni Qallunaat Nunaannilu suleqatigiinnerit ulluinnarni qanoq atulersinneqarsimanersut. Pisortaanerup pisortallu akissuteqarfigaat.

- Ilaqtariit sullissiviannut tunngasumik paasissutissiineq
- Socialrådgiverissaaleqineq
- Inuusuttuaqqat
- Pitsaaliuinnermut ataatsimiititaliaq
- Oqilisaassinermi inissat/ulloq unnuarlu angerlarsimaffimmi ikiorteqarneq

### **03. Aningaasaqarnermut tunngasut**

#### **Imm. 3.1 Ulloq unnuarlu paaqqinniffiit atuiffiinit missingersuutinik nuussisoqarnissaanik qinnuteqaat, Maniitsoq.**

*Journalnr. 06.02.04*

##### Tunuliaqutaq

Atugarissaarnermut immikkoortortaqaarfimmi Maniitsumi atuiffinnik iluarsartuussineq ingerlanneqarpoq. Meeqqanut ulloq unnuarlu paaqqinniffiit atuiffiisa missingersuutitigut nalimmassarneqarnissaat pisariaqarpoq ukiup sinneranut missingersuutitigut nuussisoqarnissaq qinnuteqaatigineqarpoq.

##### Maleruagassatigut tunngavigisag

Qeqqata Kommuniyani kasseqarnermut naatsorsuuserisarnermullu malittarisassani imm 3.3 naapertorlugu Kommunalbestyrelsi aalajangiisussaataavoq.

##### Pissutsit atuuttut

Meeqqat ulloq unnuarlu paaqqinniffinnut ukiup sinneranut atuinerup nalimmassarneqarnissaa pisariaqaleqqavoq, aningaasartuutit meeqqanut ulloq unnuarlu paaqqinniffinnitsitsinerit Namminersorlutik Oqartussani aamma Namminersorluni paaqqinnittaarfiutilinni kiisalu inuit innarluutillit Qallunaat nunaanni inuusuttunut atuartunut, utoqqaallu angerlarsimaffiani Neriusaami ulloq unnuarlu nakkutigineqartariaqartut inissisimaffianniittut. Atuinerit Namminersorlutik paaqqinnittarfiutilinni naatsorsuutigisamik annikinnerussasoq naatsorsuutigineqarpoq taamaattorli Namminersorlutik Oqartussat paaqqinnittarfiutaaniittut amerleriarneri pissutaallutik atuinerunissaq naatsorsorneqarpoq. Utoqqaat angerlarsimaffianni Neriusaami innarluutilinnut inissat 8-t tamarmik atorneqarput.

November-ip aallaqqaataani meeqqat ulloq unnuarlu paaqqinniffinniittut: 15-ipput, Ilaqutariinni paarsisartuniittut: 31-t.

Innarluutillit inatsisaata ataaniittut inuusuttut DK-mi atuartut: 4-t

Utoqqaat angerlarsimaffianni Neriusaami innarluutilinnut inissanut 2021-mi akit nutaat atuutillermata aningaasartuutit annertusinikuupput.

Aningaasartuutinik atuinikiffissatut naatsorsuutigineqarput, pisortatigut ikiorsiissutit oktober-ip naanerani atuneq tamaat isigalugu 45,06 % atuiffiuvoq, naatsorsuutigisamit ukiup naanissaanut atuineruffiinnaanera naatsorsuutigineqarani, taamaattumik aningaasanik atunngisassanik nuussinissaq atuiffinnut allanut periarfissaalluni.

Angerlarsimaffik Neriusaami atuneq november-ip qeqqani 79,62 %-miippoq

Inuit innarluutillit DK-miittut ulloq unnuarlu paaqqittarfimmiittut aalaakkaasumik 9-nikuupput, maannakkut 7-ngornikuupput, taakku saniatigut inuusuttut 4-t atuartuupput tassa katillutik 11-ullutik.

##### Atuilluartaunissakkut kingunerisinnaasai

Atuiffiit missingersuutinut pineqartunut tunngatillugu nikingatitsipput, taamaattumik atuiniviit nikingasut takuneqarsinnaallutik. Atuiffiit imminnut ataqatigiittut ataatsimoortinneqarnissaat kiisalu atuiffiit immikkoortotalerneqarnissaat pisariaqarmat. Atuiffiit nuutinneqareerpata immikkoortortat pineqartut ataanniilerunik atuneq nalilersoruminarningussaaq.

**Atugarissaarnermut Ataatsimiititaliap december-ip 5-ani 2022-imi ileqquusumik ataatsiminnerna  
11/2022 – *Imaqarniliaq***

Eqitsit 1  
Området for Velfærd  
Maniitsoq

Afdeling	Formål	Art	Sted	2022			2023	2024	2025
				OPR	TB	NYT	Overslagsår	Overslagsår	Overslagsår
552020100	0501015150	122150100	010570	4.547.425	5.107.381	9.654.806	4.010	4.010	4.010
552020100	0501015170	122150400	010570	8.163.663	-1.933.663	6.230.000	-1.934	-1.934	-1.934
552050000	0502015202	113100100	010570	2.597.942	-1.097.942	1.500.000	-	-	-
552050000	0502015201	113100100	010570	3.465.292	-1.378.395	2.086.897	-1.378	-1.378	-1.378
552040100	0501045700	122150200	010570	5.012.958	1.065.079	6.078.037	1.065	1.065	1.065
552030203	0503015300	121040100	010570	-4.120.550	-2.162.460	-6.283.010	-2.163	-2.163	-2.163
552040100	0501045800	122150300	010570	9.665.994	400.000	10.065.994	400	400	400
Budget ændringer i alt				29.332.724	0	29.332.724	0	0	0

Aningaasaqarnikkut allaffissornikkullu kingunerisinnaasai

Atuinerit atuiffinnut nuutinneqarpata allaffissornikkut piuninarnerusumik aningaasartuutitut inissiisoqarsinnaalissaaq, atuiffinniillu nuutitsiniarnerit annikillissallutik.

Allaffeqarfiup naliliinera

Allaffeqarfik naliliivoq, atuiffiit missingersuutillu ilanngullugit immikkoortunut nuunneqarpata, piffinni atuinerit missingersuutitut malinnaaffigiuminarnerulissallutik.

**Innersuussut**

Maniitsumi Atugarissaarnermut immikkoortortaqarfiup Atugarissaarnermut ataatsimiititaliamut innersuussutigaa:

- Eqitsit 1 malillugu atuiffiit akornanni missingersuutitigut nuussinissat akuersissutigineqassasut, kingornalu Aningaasaqarnermut Ataatsimiititaliamut aalajangigassanngorlugit ingerlateqqinneqassasut.

**Aalajangiineq**

Akuersissutigineqarpoq suliarlu kingornalu Aningaasaqarnermut Ataatsimiititaliamut aalajangigassanngorlugit ingerlateqqinneqassaaq. Aningaasanut missingersuutini atuinikuffiusuni aammalu atuivallaarsimasuni naatsunnguamik ersarissumik nassuiaasoqartarnissaa ilaasortanit aammangaaq kissaatigineqaaqqippoq.

**Ilanngussat**

**Imm. 3.2 Atugarissaarnermut immikkoortortami missingersuutitigut nuutsinissamut qinnuteqaat, Sisimiut.**

*Journalnr. 06.02.04*

Tunuliaqutaq

Ulloq unnuarlu paaqqinnittarfinni pinasuartumik inissiisoqartarnikummat aamma angajoqqaatut oqartussaassusillit Sisimiunut nuunnikummata ulloq unnuarlu akigititani naatsorsuutigisamiit annertunerusumik atuisoqarnikuuvoq.

Maleruagassatigut tunngavigisaq

Qeqqata Kommunianut karseqarnermut naatsorsuuserinermullu malittarisassat.

Pissutsit atuuttut

Pisut pinasuartut pissutigalugit allatut ajornartumik Atugarissaarnermut immikkoortortaq ulloq unnuarlu paaqqinnittarfinni meeqqanik inuusuttunillu ataasiakkaanik inissiisariaqartarnikuuvoq, tamannalu meeqqap paasiniaaffigineqarnissaa pissutigalugu marloriaammik akiliisoqartarnissaa pisariaqartarpoq. Atugarissaarnermut immikkoortortaq aammattaaq suliaasanik marlunnik angajoqqaatut oqartussaassusillit Sisimiunut nuunnerisa kingorna marluullutik kommuninit allanit inissitaasuusunik tigusaqarnikuuvoq, tamannalu inissiinermi aningaasartuutit ullormi tigusissiffimmiit tiguneqarnerannik kinguneqarluni.

Immikkoortortap missingersuutit iluanni aningaasalersorsinnaavai, taamaattumillu siunertanut kodenit allanit nuutsisoqarnissaa pillugu qinnuteqartoqarpoq, immikkoortuni kalluarneqartuni atuinikinnerusooqartussamat aammalu immikkoortut annertuunik pisinissamut pilersaaruteqanngimmata.

Atuilluartuunissakkut kingunerisinnaasai

Immikkoortuni annertuumik atuivallaartoqannginnissaa atuilluartuuneruvoq.

Aningaasaqarnikkut allaffissornermiluunniit kingunerisinnaasai

Missingersuutinut tamakkiisunut allaffissornermiluunniit tunngasunut toqqaannartumik kingunissaqanngilaq.

**Atugarissaarnermut Ataatsimiititaliap december-ip 5-ani 2022-imi ileqquusumik ataatsiminnera  
11/2022 – *Imaqarniliaq***

Nuutsinissami eqitsit:

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
551020100-0501015150-122150100-010580	Namm. Oqartuss. Ulloq unnuarlu paaqq.	20.765.599	7.743.716	28.509.315
551020100-0501015170-122150400-010580	Paaqqinnittarfiutillit namminersortut	4.453.167	1.695.845	6.149.012
551020100-0501015120-122020100-010580	Paarsinermusiat	3.614.751	734.425	4.349.176
551020100-0501015120-113110200-010580	Atisassarsiniutissat paarsisartunut inissinneqarsimasunut	1.349.249	502.365	1.851.614
			10.676.351	
551020100-0501015100-122141200-010580	Ingerlatsinermut aningaasaliissutit, ilaqutariinnermut immikkoortortaq	4.521.733	-4.521.733	0
551020100-0501015140-122010102-010580	Inuutissarsiuutigalugu ilaqutariit paarsisartut	1.233.200	-1.233.200	0
551050000-0502015201-113100100-010580	Aningaasanngorlugit ikiorsiissutisartut	4.631.693	-1.000.000	3.631.693
551040100-0501045800-122150300-010580	Innarluutilinnut angerlarsimaffiit DK	11.826.386	-2.000.000	9.826.386
551040100-0501045800-122150100-010580	Innarluutilinnut angerlarsimaffiit GRL	7.556.432	-1.500.000	6.056.432
5510400301-0501045400-122070300-010580	Atorfimmut atatillugu angalanerit Sannavik	97.629	-97.629	0
5510400301-0501045400-122081000-010580	Perorsaanerimi atortussat Sannavik	141.502	-100.000	41.502
5510400301-0501045400-122081900-010580	Pequtit Sannavik	234.308	-100.000	134.308
5510400301-0501045400-122010102-010580	Akunermusiallit Sannavik	1.464.007	-123.789	1.340.218
			-10.676.351	
	Katillugit		0	

### Allaffeqarfiup naliliinera

Atugarissaarnermut immikkoortortaq naliliivoq, immikkoortumi missingersuutit ukiup naanerani aalajaannerulissasut angerlartitsiniarlunilu suliat ingerlateqqinneqassasut taamaalilluni ulloq unnuarlu paaqqinnittarfinni akigititanut akiliutit aningaasartuutaanerat appariartorniassammat. Ukiup tulliani inuusuttut arfinillit nammineersinnaassuseqalerlutik inersimasunnungussapput tamatumalu piunasaqaatitarivaa, immikkoortortaq malitseqartitsilluni malinnaanissamut pisariaqartitsisoqarnissaa pillugu paasisaqarumalluni inuusunuttunut iliuusissatut pilersaarusiussasooq imaluunniit ikiorsiissutaasunik unitsitsisoqarnissaanik inuusuttoq kissaateqarnersoq.

Paarsinersiunik qaffaasoqarnissaanut pisariaqartitsisoqarnera pissutigalugu immikkoortortaq paarsisartuni paarineqartut aallunneqarnissamut isumassorneqarnissamullu pisaiqartitaat tunngavigalugit paarsinersiutinik qaffaanikuuvoq, meeqqanut inuusuttunullu angajoqqaarsiasut immikkut suliniueqarnissaat pisariaqarnikummat.

### **Innersuussut**

Atugarissaarnermut immikkoortortaqarfiup Atugarissaarnermut ataatsimiititaliamut innersuussutigivaa:

1. Eqitsit 1 naapertorlugu nuutsisoqarnissaa pillugu qinnuteqaat akuersissutigineqassasooq
2. Missingersuutitigut nuutsisoqarnissaa pillugu qinnuteqaat aningaasaqarnermut ataatsimiititaliamut kommunalbestyrelsimullu ingerlateqqinneqassasooq

### **Aalajangiineq**

Akuersissutigineqarpoq suliarlu Aningaasaqarnermut Ataatsimiititaliamut akuersissutigineqartussanngorlugu ingerlateqqinneqassaaq. Tamanna pitinnagu eqitsit ersarissarneqassaaq, kisitsisit katinneri takuneqarsinnaanngorlugit.

### **Ilanngussaq**

1. Missingersuutitigut nuutsinissamut naatsorsuinerit - qulequttat



**Punkt 3.3 Sisimiuni Maniitsumilu innuttaasunut ulloq unnuarlu angerlarsimaffimmi  
ikiorteqarfimmu ilassutitut aningaasaliissuteqaqqinnissamut qinnuteqaat.**

*Journalnr. 06.02.01*

Tunuliaqutaq

2022-mi oktobarip arfernanni ataatsimiititaliap napparsimmavimmut pularnerani ataatsimiititaliap erseqqissaaffigineqarpoq, kræfteqarluni uninngasunik tamatigut pingasunik peqartuaannartoq. Innuttaasut angerlarsimaffimmi ikiorteqartut angerlarsimaannarsinnaagaluarput aammalu peqqissarneqarnissamut pisariaqartitsineq annertusigaangat aammalu killiffissaasa piffissaasa naanerani luunniit taamaallaat "unitsinneqartarlutik". Angerlarsimaffimmi ikiortit massakkut sumiiffimmiit sumiiffimmut pisuttarput tamannalu piffissangaatsiamik atuiffiusarpoq, piffissaq angerlarsimaffimmi ikiortit atuuffittut ator neqarsinnaagaluartoq.

Maleruagassatigut tunngavigisaaq

Pisortanit ikiorsiissutit pillugit Inatsisartut peqqussutaat nr. 10, 10 november 2006-imeersoq Angerlarsimaffimmi ikiorteqartitsisarneq pillugu Namminersornerullutik Oqartussat nalunaarutaat nr. 32, 26. juli 1994-imeersoq.

Pissutsit atuuttut

Suliniutip piffissaata 2022-mi januaarip aallaqqaataani Qeqqata Kommuniiani ulloq unnuarlu angerlarsimaffimmi ikiorteqarnerup naanerata kingorna, ingammik kræftimik napparsimasut utoqqaallu utoqqaat angerlarsimaffianni inissamik utaqqisuusut, allatut ajornartumik napparsimmavinni unitsinneqartarput, ulloq unnuarlu ikiorteqarnissamut periarfissaqanngitsumi angerlarsimasinnaanngimmata. Qeqqata Kommuniata amerlarsuutigut akigititaaq qaffasinnerpaaq akerlartarpaa, isumaginninnikkut takussutissaqartumi, tassa imaappoq ulloq unnuarlu ikiorteqarnissaaq pillugu neqerooruteqartuuppat napparsimasut angerlarsimaannarsinnaagaluartunut napparsimmavimmi uninngatittariaqarnerinut. Ulloq unnuarlu ikiorteqarfimmik pilersitseqqinnissaaq qanoq akeqassanersoq allaffeqarfiup misissornikuuaa, ATV-nik pissarsinissamik pisariaqartitsisoqassaaq taamaalilluni angerlarsimaffimmi ikiortit apuuffissaminnut tullermut sukkanerusumik apuussinnaaniassammata. Taakku saniatigut illoqarfinni tamani sulisut pingasunik annertusinissaat pisariaqassaaq. Allaffeqarfiup siunnersuutigivaa, Aningaasaqarnermut ataatsimiititaliami akuersissuteqarnerup kingorna, missiingersuutit iluanni 2022-mi decembarip 15-iannit ulloq unnuarlu angerlarsimaffinni ikiorteqarnissamut periarfissiisoqarsinnaasoq.

Atuilluartuunissakkut kingunerisinnaasai

Atuilluartuuneruvoq ungasinnerusumilu missiingersuutini sipaarutaalluni.

Aningaasaqarnikkut allaffissornikkullu kingunerisinnaasai

Sisimiuni 2023-imi januaarip aallaqqaataanni ukiunilu missiliuteqarfiusuni angerlarsimaffimmi ikiortit akunnermusialinnik immikkut pingasunik atorfinitsitsinermut Napparsimmavimmi uninngatitsinermut nuutisoqarnissaa pillugu missiingersuutini aningaasartuutaanngitsoq pillugu qinnuteqartoqassaaq. Biilinngaannit ingerlatsinermi akikinnerusuumik ATV-nik orsussamillu pissarsinissamut ilassutitut aningaasaliisoqarnissaa pillugu qinnuteqartoqassaaq, ilaatigut angerlarsimaffimmi ikiortit assartorneqartarnissaanut ator neqartussamik.

**Atugarissaarnermut Ataatsimiititaliap december-ip 5-ani 2022-imi ileqquusumik ataatsiminnerna  
11/2022 – *Imaqarniliaq***

Atuiffiup normua	Atuiffiup taagutaa	Aningaasaliissutit	Ilassut	Nutaamik aningaasaliineq
551030100 - 122150700	Napparsimmavimmi uninnganeq	645.375	-500.000	145.375
551030201-122010200	Akunermusiallit kingumoortut	1.999.842	500.000	2.499.842
551030201-122170100	Atortorissaarutit, atortussat	0	130.000	130.000
551030201-122081500	Orsussaq	8.221	8.221	16.442
Immikkut aningaasat qin.			138.221	138.221

Maniitsumi angerlarsimaffinni ikiorteqartitsinermut missingersuutit Sisimiunut sanilliullugit qaffasingaatsiarput, taamaattumik missingersuutit - atuiffik 552030201-122010200 iluani sulisunik pingasunik atorfinitsitsinissamut periarfissaqarpoq.

### **Innersuussut**

Atugarissaarnermut immikkoortortaqrarfiup Atugarissaarnermut ataatsimiititaliamut innersuussutigaa:

1. Aningaasaqarnermut ataatsimiititaliami akuersissutigineqarnerata kingorna 2022-mi decembarip 15-anni atuutilersumik pingasunik sulisoqarluni ulloq unnuarlu angerlarsimaffinni ikiorteqartitsineq aallartinneqassasoq
2. Ukiumut missingersuusiorfiusunut 2023-mut ukiunullu missiliuuteqarfiusunut, sulisunik pingasunik sulilersitsinissamut kiisalu ATV-nik pissarsinissamut kiisalu orsussap qaffanneranut nuutsineq ilassutitullu aningaasaliineq akuersissutigineqassasoq

### **Aalajangiineq**

Suliaq allaffissornikkut iluarsisassaqaarmat utertinneqarpoq, iluarsisassat iluarsippata siuilittaasumut akuerisassanngortinneqassaaq tamatumalu kingorna siulittaasup suliaq Kommunalbestyrelse immikkut ittumik ataatsimiinnissaanut tullermut oqaluuerisassatut ilanngunneqarsinnaanersoq apeqquteqaatigissavaa.

### **Ilanngussat**

#### **04. Suliassat nalignnaasut**

##### **Imm. 4.1 Meeqqanik inuusuttunillu inissiisarnerup pinaveersaartinneqarnissaannut, inississimasullu angerlartinnaasut periusissiaq**

*Journalnr. 42.00*

##### Tunuliaqutaq

Qeqqata Kommunanut atuuttussamik meeqqanik angerlarsimaffiup avataanut inissiisarnerit pinaveersaartinneqarnissaannut periusissiamik kiisalu inissinneqarsimasut angerlartinneqarnissaanik periusissamik aaliangertoqarnikuuvoq suliaqartoqassasoq. Pinaveersaartitsinermik periusissiami siunertaasoq tassaavoq, ilaqutaasunut ataasiakkaanut aamma ilaqutaasut tamaasa isigalugit angerlarsimaffiup avataanut inissiinissat pinaveersimatinissaannut kommuni qanoq suliniuteqarsinnaanersoq ikiuussinnaanersorlu.

##### Maleruagassatigut tunngavissaq

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq § 3. Kommunalbestyrelse iliuseqarnermigut paasiniaanermigullu pisariaqassappallu Inatsisartut Inatsisaat una naapertorlugu ikiorsiinissamut neqerooruteqarnermi meeqqap kialuunniit alliarturneranut uku aallaavigalugit peqataassaaq:

- 1) atugarissaarnissaanut, peqqissuunissaanut ineriartornissaanullu,
- 2) isumassuinnikkut avatangiisini toqqissisimanartuni,
- 3) inersimasunut, ilaquttanut inuttullu attaveqartarfiinut toqqissisimanartumik aalajaatsumillu attavissaqartuarnissaanut,
- 4) inersimasutut nammineersinnaassuseqarluni inuunerup angujartornissaata ilinniarnerani inuttullu ineriartornerani tatiginartunik sinaakkuteqarnissaanut.

*Imm. 2.* Meeqqap inuunerani pissutsit ataatsimut isigalugit ikiorneqassaaq sapinngisamillu siusissukkut ikiorneqassalluni.

*Imm. 3.* Kommunalbestyrelse meeqqanut inuusuttunullu ataqatigiissumik ilusilersukkamik kiisalu meeqqanik sumiginnaanermik pinaveersaartitsinermut piareersimasortalimmik siusissukkut paasisaqartarnissamut meeqqallu sumiginnakkat pillugit sulianik suliarinnittarnermut upalungaarsimasussamik, kiisalu ajornartoornermi upalungaarsimanissamik periusissiuussalluni meeqqamik angerlarsimaffiup avataanut inissiinissap tungaanut isumaginninnikkut nakkutilliinermik suliaqarnissamut pilersaarusiussaaq, takuuk § 36 imm. 3 naammassisinnaajumallugu politikiliussaaq. Taannalu kommunip nittartagaani tamanut saqqummiunneqassaaq sivilunerpaamillu ukiut sisamat allortarlugit iluarsaateqqinneqartassalluni.

##### Pissutsit atuuttut

Meeqqanik sumiginnaanermi ilisarnaataasartunik pissutsinik aqqanilinnik periusissiami taasisoqarpoq taakkulu Tarnit pissusaannik ilisimasalimmit Heidi Lindhold aamma psykiaterimit Jakob Lindholm-imit suliaapput. Pissutsit aqqanillit taakku nassuiarneqartut tassapput: Angajoqqaat piginnaasaat apparnikoq, Eqqarsartaatsikkut eqqortianeq, Kinguaassiutitigut atornerlugaaneq, Aangajaarniutinik ajornerluineq, Imminut toquttarneq, ajutoornerit toqutsinerillu, Ineqarniarnikkut ajornartorsiutit, Suliffeqarneq aningaasaqarnerlu, Nuuttarnermi periutsit aamma nunap immikkoortuini pissutsit, Pisortat neqeroorutaannik aqqissuussineq, Nunasiaataasimanerup kingorna kulturi.

Kommunitsinni unammillernartoq ilisimaneqartoq ajoraluartumik tassaavoq meeqqanut inuusuttunullu suliaqarfimmi sullissisut ullut tamaasa suliassanut nukingernartunut qisuariaateqartariaqartarnerat, meeqqanut taakkulu ilaqutaannut pinaveersaataasumik suliniutinik

suliaqarnissamut taarsiullugu. Taamaattumik pingaarutilerujussuuvoq suliaasaqarfiup ersarissumik suleriaaseqarnissaa, ersarissunik suliniutinik neqerooruteqarnissaa aamma ingerlaavartumik suleqataasut akornanni avitseqatigiittarnissaaq, sullissisut sunniutilimmik, akimmiffeqanngitsumik suliamillu pitsaassulimmik suliaqarsinnaanerannut takunnissinnaanngortitsuussusaq. Suleriaatsimik pitsanngorsaaneq sullissisut pinaveersaartitsinermik suliaqarnissaannut inissaqarnerulersitsissaaq, tamatumalu kingunerissallugu ungasinnerusoq isigalugu inissiinerit ikinnerulernissaat.

Taamaattumik periusissiami qulequttat tulliuttut, suleriaatsip sunniuteqarnerulernissaata aamma meeqqanut ilaqutaasunullu suisissakkut iliuseqartarnerup aqutissiuunneqarnissaat:

- Pinaveersaartitsinissamik eqqarsartariaaseqarneq iliuseqartarnerlu
- Paasissutissanik ingerlatitseqqiineq
- Ingerlaavartumik piginnaasanik ineriartortitsineq
- Sullissinerup nukittorsarneqarnera
- Inissinneqarsimasut angerlartinneqarnissaat
- Suliniutit ingerlaarfiat

#### Atuilluartuunissakkut kingunerisinnaasai

Ungasinnerusoq isigalugu meeqqanik angerlarsimaffiup avataanut inissiisarnerup appartinnissaanut periusissiamik atuutsitsilernissaaq atuilluartuuneruvoq.

#### **Innersuussut**

Atugarissaarnermut immikkoortortap Atugarissaarnermut Ataatsimiititaliamut innersuussutigaa:

1. Qeqqata Kommuniata meeqqanik angerlarsimaffiup avataanut inissiisarnermut periusissiaa akuersissutigineqassasoq
2. Suliniutit ingerlaarfiat akuersissutigineqassasoq
3. Meeqqanut ilaqutaasunullu katsorsarneqarnissamut neqeroorutininik qaffasaanissamut ataatsimiititaliaq allaffeqarfik peqatigalugu ingerlaavartumik suliaqassasoq, taamaalilluni meeqqat angerlarsimaffiup avataanut inissinneqartarnerat appartinneqarsinnaammat
4. Ataatsimiititaq allaffeqarfik peqatigalugu katsorsartinnissamut neqeroorutinut suliniutinullu pinaveersaataasunut ulloq unnuarlu inissiisarfinnut aningaasartuutit sapinngisamik allannngortillugit atorpeqartallissasut ungasinnerusorlu isigalugu inissiisarnernut aningasartuutinik sipaaruteqartitsisumik.
5. Qeqqata Kommuniata meeqqat angerlarsimaffiup avataanut inissiisarnerup pinaveersaartinnissaanut periusissiaa Kommunalbestyrelsimi akuersissutissanngorlugu ingerlateqqinneqassasoq

#### **Aalajangiineq**

Periusissiaani allaaserineqartumi iluarsisassat iluarsineqareerpata suliaq Kommunabestyrelsemut akuersissutigisassanngorlu ingerlateqqinneqassaaq.

#### **Ilanngussaq**

1. Meeqqanik inuusuttunillu inissiisarnerup pinaveersaartinneqarnissaannut, inississimasullu angerlartinnissaanut periusissiaq

**Imm. 4.2 Atugarissaarnermut Ataatsimiititaliap 2023-mi ataatsimiiffissaannut siunnersuutit.**

*Journalnr. 01.02.03*

Tunuliaqutaq

Atugarissaarnermut Ataatsimiititaliap 2023-mi ataatsimiiffissaannut siunnersuutit.

Allamik nalunaartoqarsimatinnagu ataatsimiinnerit tamarmik nal. 13.00 aallartittassapput oqarasuaatikkut/videokonferenciluunniit atorlugu ingerlanneqartassallutik.

Ulluni suliffeqarfinni pulaarfiusussani pulaarnerit piffissami uani inissinneqassapput nal. 12:00-miit nal. 13:00 tungaanut.

<b>Atugarissaarnermut Ataatsimiititaliaq</b>	<b>Aningaasaqarnermut Ataatsimiititaliaq</b>	<b>Kommunalbestyrelsi</b>
17. januar		
06. februar	14. februar	23. februar
06. marts	14. marts	
11. april	18. april	27. april
08. maj	16. maj	25. maj
05. juni	13. juni	22. juni
07. august	15. august	
11. september	19. september	28. september
09. oktober	17. oktober	26. oktober
06. november	14. november	23. november
04. december	12. december	

**Innersuussut**

Allaffeqarfiup qulaani 2023-mi ataatsimiiffissatut siunnersuutigineqartut Atugarissaarnermut Ataatsimiititaliamut innersuussutigissavai akuereqqullugit.

**Aalajangiineq**

Akuersissutigineqarpoq.

**Ilanngussaq**

1. 2023-imi ullorsiutit

**Imm. 4.3 2023-mi Atugarissaarnermut Ataatsimiititaliap suliffeqarfimmut pulaarnissamut siunnersuut**

*Journalnr. 01.02.03*

Tunuliaqutaq

2021-mi septembarip 14-iani Atugarissaarnermut ataatsimiititaliap ataatsimiinnermini, piffissami oktober 2021-juni 2022 suliffeqarfimmut pulaarnissaq pillugu oqaluuserisassamik suliarinnillutillu akuersissuteqarput, coronamulli killilersuutit patsisaallutik suliffeqarfimmut pulaarnissamut pilersaarut ingerlakkuminaassimavoq. Coronamut killilersuutit maannakkut atorunnaarmata, pulaartarnissamut pilersaarut suliareqqitassanngorlugu saqqummiunneqarpoq.

Maleruagassatigut tunngavigisat

Kommunimi aqutsinermut ileqqoreqqusaq aamma Atugarissaarnermut ataatsimiititaliap suleriaasia.

Pissutsit atuuttut

Kommunip suliffeqarfiutaanut pulaartarnissaq pissarsiaqarnarpoq, tamanna ulluinnarni unammillernarsinnaasunut isiginnittaatsimik pitsaaneruseqatissimik pilersitseqataasinnaammat. Pissarsiaqarnarsinnaavortaaq Namminersorlutik Oqartussat suliffeqarfiutaanut oqartussaqaqarfinnullu allanut pulaartarnissaq, akunnerminnik eqqartueqatigiilluni aammalu akimortumik suleqatigiinnerup siuarsarneqarnissaa pillugu.

Aningaasaqarnikkut allaffissornikkullu kingunerisinnaasai

Soqanngilaq.

Allaffeqarfiup naliliinera

Allaffeqarfiup ullut toqqarneqarsimasut suliffeqarfimmut pulaarnissamut siunnersuutigai akunnerni 12:00-imit 13:00-imut:

Ataatsimiititaliap ataatsimiinnissai 2023	Siunnersuut Kangaamiut	Siunnersuut Maniitsoq	Siunnersuut Sisimiut
17. januar		Ilaqutariinnut kiffartuussivik	Ilaqutariinnut kiffartuussivik
06. februar			Politi
06. marts	Utoqqaat Angerlarsimaffiat	Utoqqaat Angerlarsimaffiat	Utoqqaat Angerlarsimaffiat
11. april	Kommunip allaffia	Kommunip allaffia	Kommunip allaffia
08. maj			Tilioq
05. juni			Pisoq/Ivik
07. august			Utoqqaat siunnersuisoqatigiivi / Innarluutillit siunnersuisoqatigiivi
11. september			Peqqinnissaqarfik
09. oktober			Pissassarfik
06. november			Angerlarsimaffimmi ikiortit

**Innersuussut**

Atugarissaarnermut Immikkoortortaqarfik Atugarissaarnermut Ataatsimiititaliamut  
innersuussutigivaa

- siunnersuutitut saqqummiunneqartut eqqartorneqarlutillu isummerfigineqassasut

**Aalajangiineq**

Akuersissutigineqarpoq.

**Ilanngussat**

1. Maniitsumi pulaarnissamut siunnersuut

**Imm. 4.4 Maniitsumi Ilaqutariinnut Inerisaavik Meeqqat Illuatut atorsinnaanissaanut allangortiterineq.**

Journalnr. 42.00

Tunuliaqutaq

Qeqqata Kommunia upernaq attavigineqarpoq apeqqutigineqarluni Folketing-ip Meeqqat Illuat pillugu ukiunut pingasunut suliniutaanut atatillugu soqutiginninersoq. Meeqqat Illuat Ilaqutariinnermut Naalackersuisoqarfiup, Folketingi suleqatigalugu suliniutaavoq, tassa meeqqat kinguaassiutitigut qaangiiffigitinnermik nakuuserfigineqarnermillu nalaataqarnikuusut ikiorserniarlugit immikkut suliniarnertut ingerlanneqassalluni. Suliniut politiinik, naalackersuisoqarfimmit, isumaginninnikkut aqutsisoqarfik kommunillu pingasuusut akimortumik suleqatigiinnerisigut ingerlanneqassaaq.

Aqutsisoqatigiinnik pilersitsisoqarnikuuvoq ukunanga peqataaffigineqartumit, Isumaginninnermut Sulisoqarnermullu Naalackersuisoqarfik, Isumaginninnikkut Aqutsisoqarfik, Politiit, Kommuneqarfik Sermersooq, Qeqqata Kommunia aamma Avannaata Kommunia. Taakkua saniatigut aamma kommunini pingasuusuni suleqatigiissitanik pilersitsisoqarnikuuvoq.

Ukioq manna ininik apersuinermi atugassanik pilersitsinissaq salliutinneqarpoq, taamaattumillu Maniitsumi Ilaqutariinnut Inerisaaviup nutaap ataani "Meeqqat Illuat"-ta qanoq pilersinneqarsinnaanera misissussallugu pissusissamisoorsimalluni. Qeqqata Kommunia Maniitsumi teknikkeqarnermut immikkoortortaata aamma Rambøl qanimut suleqatigiinnerisigut, quleriit qullerpaartaani inip apersuisarfittut allangortinnissaanut titartagaq suliarineqarpoq.

Titartakkap ilanngussatut ilannunneqartup imarivaa, ininik marlunnik pilersitsineq matumani meeqqanik apersuineq pisarsinnaassalluni kiisalu videokkut apersuinermi peqataasunut inip aappaaniissinnaassallutik, tassaasut eqqartuusiveqarfik, politiit, najortit aamma illersuisut. Allangortiterinermi aningaasartuutit naatsorsuutigineqartut tassaapput missiliut-C-kkut 819.419 koruunit Aqutsisoqatigiinnit akuerineqarsimasut.

C-missiliut Nutaaq, akuerineqartoq

819.419 koruunit

Aqutsisoqatigiinnit tapiissutit allat:	2022	2023	2024
<u>Maniitsoq</u>			
Pequtit	175.000		
Ilaqutariinnut inerisaavimmi nutaami quleriit aappannik inaarsaaneq/politiinit kissaat ilanngullugit	698.000		
Sulisunik ilinniartitsineq	500.000		
Inunnut arfineq-pingasunut pikkorissaaneq	101.000		
Meeqat Illuannut/januscenterimut alakkaaneq	80.000		
Isumaginninnermi siunnersorti	240.000	480.000	480.000
Tarnip pissusiinik ilisimasalik	260.000	520.000	520.000
Meeqgerisut marluk	350.000	700.000	700.000
Katillugit	<b>2.404.000</b>		



Maleruagassatigut tungavissaq

Meeqqat tapersorneqarnissaannut Inatsisartut inatsisaat nr. 20, 26. Juni 2017-imeersoq § 3 Kommunalbestyrelse iliuseqarnermigut paasiniaanermigullu pisariaqassappallu Inatsisartut Inatsisaat una naapertorlugu ikiorsiinissamut neqerooruteqarnermi meeqqap kialuunniit alliarturneranut uku aallaavigalugit peqataassaaq:

- 1) atugarissaarnissaanut, peqqissuunissaanut ineriartornissaanullu,
- 2) isumassuinnikkut avatangiisini toqqissisimanartuni
- 3) inersimasunut, ilaqtutanut inuttullu attaveqartarfiinut toqqissisimanartumik aalajaatsumillu attavissaqartuarnissaanut aamma
- 4) inersimasutut nammineersinnaassuseqarluni inuunerup angujartornissaata ilinniarnerni inuttullu ineriartornerani tatiginartunik sinaakkuteqarnissaanut.

*Imm. 2.* Meeqqap inuunerani pissutsit ataatsimut isigalugit ikiorneqassaaq sapinngisamillu siusissukkut ikiorneqassalluni.

*Imm. 3.* Kommunalbestyrelse meeqqanut inuusuttunullu ataqatigiisumik ilusilersukkamik kiisalu meeqqanik sumiginnaanermik pinaveersaartitsinermit piareersimasortalimmik siusissukkut paasisaqartarnissamut meeqqallu sumiginnakkat pillugit sulianik sularinnittarnermut upalungaarsimasussanik, kiisalu ajornartoornermi upalungaarsimanissamik periusissiuussalluni meeqqamik angerlarsimaffiup avataanut inissiinissap tungaanut isumaginninnikkut nakkutilliinermik suliaqarnissamut pilersaarusiussaaq, takuuk § 36 imm. 3 naammassisinnaajumallugu politikiliussaaq. Taannalu kommunip nittartagaani tamanut saqqummiunneqassaaq sivisunerpaamillu ukiut sisamat allortarlugit iluarsaateqqinneqartassalluni.

Pissutsit atuuttut

Ilaqtariinnut inerisaavimmi quleriit qullerpaartaat matuneqarnikuuvoq maannakkullu atorneqarnani, illua tungaani majuartarfiit eqqaanni kiassarnermut innaallagissamut allanullu atortulersuutit inissisimapput.

Allanngortiterinermi ininik marlunnik pilersitsinermut, illup atorneqarnera annertusissaaq.

Atuilluartaunissakkut kingunerisinnaasai

Suliniutip ingerlanera 2024-ip naalernerani naammassippat, suliniutip ingerlaannarnissaa isummerfigineqassaaq. Atorneqassannagippat Ilaqtariinnut Inerisaavik saniatigut ininik marlunnik peqalissaaq.

Innersuussut

Atugarissaarnermut immikkoortortaqaqfiup Atugarissaarnermut ataatsimiititaliamut innersuussutigaa:

- Ilanngussaq malillugu Maniitsumi Ilaqtariinnermut inerisaavimmi quleriit qullerpaartaat initut videokkut apersuisarfissatut akuerineqassasoq aammalu aningaasartuutissat 820.000 koruuniusut Aqutsisoqatigiinnit akilerneqassasut.
- Maniitsumi Ilaqtariinnut Inerisaavik piffissami 2024-ip naanissaata tungaanut aamma Meeqqat Illuat-tut atorneqarsinnaasoq akuersissutigineqassasoq.
- Aqutsisoqatigiit missingersuusiat malillugu suliaq Ingerlatsivimmit Ilaqtariinnut inerisaavik suleqatigalugu ingerlatiinnarneqassasoq

**Innersuussut nutaaq**

1. Ataatsimiititaliap siusinnerusukkut aaliangigaa, aningaasaqarnermut ataatsimiititaliamut akuerisassanngorlugu ingerlateqqinneqarnissaa kommunalbestyrelsemullu ingerlateqqitassanngorneqarnissaa

**Aalajangiineq**

Akuersissutigineqarpoq.

**Ilanngussaq**

1. Titartagaq missiliut-C
2. Missingersuut Aqutsisoqatigiinnit akuerineqartoq.

**05. Sulisoqarnermut tunngasut**

Soqanngilaq.

**06. Paasissutissiissutit**

Soqanngilaq.

## **08. Tamalaat**

### **Imm. 8.1 Tamalaat**

Agathe Fontain kommunimut oqarasuaatikkut saaffiginnittartut pillugit apeqquteqarpoq. Taassumunnga Sisimiuni pisortaq pisortaanerlu akissuteqarput.

Seminarimut kikkut peqataasinnaanersut ilaasortat aperineqarput.

Utoqqaat juullerpalaartinneqarnissaat ullulerneqanngilaq, allaffissornikkut eqqartorneqaqqissaaq.